

政和五禮新儀



欽定四庫全書

政和五禮新儀卷八十

吉禮

皇帝祭皇地祇儀一

時日

齋戒

奏告

陳設

車駕自太廟詣青城

省牲器

奠玉幣

進熟

望燎

明禋殿受賀

車駕還內

宣德門肆赦

時日

前期降御札以來年夏日至祭地于方壇太常寺具時
日散告

齋戒

前祀十日質明有司設行事執事及陪祠文武官位于

朝堂太宰刑部尚書在北南向太宰在右刑部尚書在

右

刑部尚書
稍却

行事太宰左丞在南吏部禮部戶部侍郎大

司樂光祿卿大樂令光祿丞功臣獻官在其南

凡設大樂令以

下位皆稍却 次分獻官次執事官又于其南俱北向西上監

察御史位二在西東向北上讀冊舉冊官奉禮協律郎

太祝郊社太官令在東西向俱北上 奉禮郎以下位皆稍却 設陪

祠文武百官位于行事官之南又設行事執事及陪祠

親王宗室位于太廟齋坊少宰刑部侍郎在北南向少

宰在左刑部侍郎在右 刑部侍郎稍却 亞終獻在南北向西上

親王及行事執事陪祠宗室在東西向北上東上閣門

御史臺太常寺以下分引羣官各就位 凡將引行事執事陪祠文武官

立班即御史臺引殿中太宰讀誓于朝堂刑部尚書泣
侍御史一員先入就位

之少宰讀誓于太廟齋坊刑部侍郎泣之誓文曰今年

五月某日夏至皇帝祭地于方壇前二日朝獻景靈

宮前一日朝饗太廟各揚其職其或不恭國有常刑讀

訖內朝堂執事官奉禮郎以下文官宣
德郎以下武官從義郎以下先退餘官並對拜訖

退皇帝散齋七日於別殿致齋三日一日于大慶殿一
日于太廟一日于

青城凡散齋不弔喪問疾作樂有司不奏刑殺文書致齋

日前後殿不視事惟行祭事前致齋一日殿中監帥其

屬尚舍鋪御座于大慶殿當中南向設東西房于御座之左右稍北又設西閣及齋室于殿後之左右殿上前楹施簾致齋之日質明有司陳大駕鹵簿于宣德門外尚輦陳平輦于垂拱殿庭文武百官俱就次各服其服東上閣門奏請皇帝未後詣齋室通事舍人自下分引知樞密院以下詣垂拱殿庭立班東上閣門附內侍進班齊牌垂拱殿簾降皇帝乘輦出至殿上少駐輦官迎駕自贊常起居宣輦官上殿簾卷鳴鞭行門禁衛諸班

親從迎駕自贊常起居次舍人先贊知內侍省官以下
常起居次樞密以下通班常起居贊祇候引駕樞密知
客省事以下至僉書東上閣門官分左右立六尚局應
奉官祇應武功大夫以下並先退次管軍臣僚宣名常
起居贊祇候引駕並分左右前導輦降東階垂拱殿門
外禁衛諸班親從自贊常起居次行宮使御營巡檢一
班常起居

如通侍大夫以下知客省事以下知內侍兩
省帶御器械官充行宮使御營巡檢各歸本

班
至大慶殿後閣降輦入西閣大慶簾降前導官並就

次易朝服詣御榻前分左右侍立

知樞密院事簽書樞密院事在東西向北

上同知樞密院事在西東向左輔一員在知樞密院之

北贊拜東上閣門官一員又在其北並西向知客省事

以下在簽書樞密院事之南稍東西向北

通事舍人等

上簽書知客省事以下又在其南稍却

分引行事執事陪祠文武官各績結佩入詣大慶殿立

班次引禮部郎奏請中嚴侍臣詣幄奉迎內外符寶郎

奉寶先出陳于御榻之左右少頃引禮部侍郎奏外辦

皇帝服通天冠絳紗袍績結佩出西閤乘輿稱警蹕侍

衛如常儀由西房至御榻西降輿皇帝升御座南向侍

臣夾侍贊拜東上閣門官于榻前贊樞密以下拜殿之

上下應在位官皆再拜

東上閣門官贊拜訖轉身北向隨拜訖面西贊各祇候

次

禮直官引左輔詣御座前俛伏跪奏稱左輔具官臣某

言請皇帝降座就齋室奏訖俛伏興還侍位

凡左輔奏請准此

皇帝降座乘輿由東房入齋室侍臣各還所司直衛者

如常儀通事舍人分引行事執事陪祠文武官以次出

三省親王樞密宗室起居問聖體並如儀

應行事執事陪祠官及升降者並

散齋七日宿于正寢致齋二日各宿于次

三省樞密院官各宿于本

廳都堂侍從官並尚書侍郎分宿于秘書省中書後省
餘官內庭有所司者各宿于其司諸方客使許赴陪位
者各宿
于其次
凡散齋治事如故惟不弔喪問疾作樂判書刑

殺文書決罰罪人及與穢惡致齋之日官給酒饌惟祭
事得行其餘悉禁與祭之官已齋而闕者通攝行事

奏告

前祭二日奏告太祖皇帝室如常告之儀

陳設

前祀三日殿中監帥其屬尚舍設大次于外壇東門之

內道北南向小次于午階之東西向儀鸞司設文武侍
臣次于大次之前隨地之宜行事陪祠官宗室及有司
次于外壝東門之外設東方南方客使次于文官之後
西方北方客使次于武官之後又設饌幔于內壝東
西門之外道南北向北門之外道東西向

壇上及東方南方午

階之東饌陳于東門外西方南方午階之西饌陳于西門外北方之饌陳于門外北

前祭二日郊

社令帥其屬掃除壇之上下開瘞坎于壇上階之北壬
地方深取足容物南出陞光祿牽牲詣祠所大晟陳登

歌之樂于壇上稍南北向設宮架于壇南壝之外立舞
表于鄮綴之間前祭一日太常設神位席太史設神位
版皇地祇位于壇上北方南向席以藁秸太祖皇帝位
于壇上東方西向席以蒲越木神勾芒東嶽于壇第一
龕東鎮海瀆第二龕東山林川澤于壇下東丘陵墳衍
原隰于內壝之內皆在卯階之北以南為上神州地祇
火神祝融南嶽于壇第一龕南鎮海瀆于第二龕南山
林川澤于壇下南丘陵墳衍原隰于內壝之內皆在午

階之東以西為上土神后土中嶽于壇第一龕中鎮于
第二龕中山林川澤于壇下中丘陵墳衍原隰于內壝
之內皆在午階之西以西為上金神蓐收西嶽于壇第
一龕西鎮海瀆于第二龕崑崙西山林川澤于壇下西
丘陵墳衍原隰于內壝之內皆在酉階之南以北為上
水神玄冥北嶽于壇第一龕北鎮海瀆于第二龕北山
林川澤于壇下北丘陵墳衍原隰于內壝之內皆在子
階之西以東為上神州地祇席以橐秸餘以莞皆內向

奉禮郎禮直官設皇帝位版于壇下小次前西向飲福

位于壇下午階之西北向望燎瘞位于瘞坎之南北向

設燿火于望瘞位之西北向東西各六人贊者設亞終獻位

小次之南稍東西向大禮使太宰左丞又于其南行事

吏部戶部禮部尚書吏部禮部侍郎光祿卿讀冊舉冊

官光祿丞位于大禮之東光祿丞稍却奉禮郎搏黍太祝郊

社太官令位于小次之東北俱西向北上監察御史位

二一于壇下午階西南一于子階西北俱東向協律郎

位二一于壇上樂簾之西北一于宮架之西北俱東向
大樂令位于登歌樂簾之北大司樂位于宮架之北良
醞令位于酌尊所俱北向又設陪祠文武百官位于執
事官之南諸方客使在文官之南隨其方國光祿陳牲
于東壝門外西向祝史各位于牲後太常設省牲位于
牲西大禮使太宰左丞在南北向東上分獻官位于其
後行事吏部戶部禮部尚書吏部禮部侍郎大司樂光
祿卿讀冊舉冊官大樂令光祿丞奉禮協律郎搏黍太

祝郊社太官令在北南向西上凡設大樂令以下位皆稍却監察御

史在吏部尚書之西異位稍却光祿陳禮饌于東墻門

外道南北向太常設饌位版于禮饌之南大禮使太宰左

丞在北南向西上分獻官位于其後監察御史位二俱

在西東向北上行事吏部戶部禮部尚書吏部禮部侍

郎大司樂光祿卿讀冊舉冊官大樂令光祿丞奉禮協

律郎搏黍太祝郊社太官令在東西向北上禮部帥其

屬設冊祝案于神位之右司尊彝帥其屬設玉幣篚于

酌尊所次設籩豆簋簋正配位皆左十有一籩右十有

一豆俱為三行俎三一在籩前二在豆右為二重登一

在籩豆間簋一簋一在籩豆外簋在左簋在右又設尊

坩之位正配位皆太尊五山尊五為二重在壇上東南

隅北向西上

配位設于正位酒尊之東

太尊在前皆有坩加勺罍為

酌尊又設太尊二山尊二在神位前著尊二犧尊二在

午階之西第一龕

配位設于酉階之北第一龕

象尊二壺尊六在壇

下午階之西俱北向西上

配位設于酉階之北俱東向北上

皆加罍設而

不酌又設從祀邊豆簋簋之位第一龕每位皆左十邊
右十豆俱為三行俎二在邊豆前登一盤一在邊豆間
簋一簋一在邊豆外簋在左簋在右爵一在俎前加拈其
餘神位每位皆左二邊右二豆俎一在神位前爵一次
之簋一簋一在爵之前簋在左簋在右登一在邊豆間
又設從祀神拈之位第一龕每方犧尊二象尊二第二
龕每方山尊二山林川澤每方虜尊二餘每方散尊二
皆加勺罍在神位之左又設正配位邊豆簋簋盤俎各

一于饌幔內設御洗二于壇下午階東南北向盥洗在東爵洗

在罍在洗東加勺篚在洗西南肆寔以巾若爵洗之篚則又實以爵

加設皇帝位于洗南北向內侍酌水位于洗東執巾位站

于酌水內侍之北俱西向吏部侍郎位于洗爵之西東

向又設亞獻盥洗爵洗于本位之南分獻官盥洗爵洗

各于其方陞道之左罍篚各設于左右皆內向執罍篚

者各于其後祭日丑前五刻郊社令與太史設皇地祇

太祖皇帝神位版于壇上又設神州地祇五嶽位于壇

第一龕太府卿少府監帥其屬陳玉幣于篚

皇地祇玉以黃琮神

州地祇王嶽以兩圭有邱皆盛以匣皇地祇配帝幣以黃神州地祇以黑五行官五方嶽鎮海瀆以下各從方

色禮神之玉各置于神位前瘞玉加于幣光祿卿帥其

屬入實正配位籩豆簋簠

籩三行以右為上第一行形鹽在前魚鱸揆餌次之第二

行榛實在前乾桃乾榛乾棗次之第三行菱在前芡

荔實鹿脯次之豆三行以左為上第一行芹菹在前筍

菹葵菹菁菹次之第二行韭菹在前醢食魚醢兔醢次

之第三行豚拍在前鹿醢醢醢次之簋實以稻簋實以

黍登實以太羹

太官令帥其屬入實俎

籩前之俎一實以牛腥七體兩脾兩肩兩脅并

脊兩髀在兩端兩脅次之脊中豆右之俎二為二重以

北為上第一重實以牛腥腸胃肺離肺一在上端剝肺

三次之腸三胃三次之第二重實以羊牛良醞令帥其熟腸胃其載如腥若配位即以東為上

屬入實尊

太尊寔以泛齊山尊寔以醴齊著尊實以盎齊犧尊實以醢齊象尊實以沉齊各以一尊

實明水壺尊三實玄酒三實三酒明水玄酒皆在上

又實從祀之饌

第一龕籩三行以右為上

第一行乾稌在前乾桃形鹽魚鱸次之第二行鹿脯在前荔實乾桃次之第三行菱在前芡榛實次之豆三行以右為上第一行芹菹在前筍菹葵菹次之第三行豚拍在前鹿羶醢醢次之

籩前簋實以黍稷稷在黍前

籩前之組實以羊腥脾一豆前之組實以豕腥脾一登實

以大羹槃實以血爵實以泛齊其餘諸神位每位左二邊荔實在前鹿脯次之右二豆菁菹在前鹿羶次之簋實以稷簋寔以黍組實以羊豕又寔從祀之尊犧尊實腥肉登實以大羹爵實以齊酒

山尊實醴齊蜃尊實以沉齊散尊實以
清酒各以一尊實明水象尊俱實明水
太常設燭於神
位前又設大禮使以下行事執事官揖位于卯階之東
內壝外如省牲位所司陳異寶嘉瑞及伐國之寶于宮
架之南東西相向

政和五禮新儀卷八十

欽定四庫全書

政和五禮新儀卷八十一

吉禮

皇帝祭皇地祇儀二

車駕自太廟詣青城

前祀一日皇帝於太廟朝饗畢既還大次禮部郎中奏
解嚴皇帝常服乘輿還齋殿所司轉仗衛鹵簿陪祠文
武官先赴方壇齋宮導駕官以下就次各服其服尚輦

奉御進輿於齋殿乘黃令進輅于廟南門外少西南向于
牛將軍一員位于輅前北向門下侍郎一員位于左輔
之前贊者二人位又于其前質明知客省事以下知內侍
省以下帶御器械官祇應武功大夫以下并六尚局應
奉官于齋殿前鬪班立定東上閣門御史臺太常寺分
引管軍臣僚及左輔門下侍郎太僕卿乘黃令詣齋殿
門外立班並北向東上乘黃令次引導駕官以下俱詣
位其後大次門外分東西相向立以俟奉迎前導次行宮使御

營巡檢各就位立定禮直官通事舍人引禮部侍郎奏

請中嚴

凡左輔門下侍郎禮部侍郎
奏請皆禮直官通事舍人引

少頃又奏外辦皇

帝服通天冠絳紗袍乘輿以出稱警蹕如常儀行門禁

衛諸班親從迎駕奏聖躬萬福知客省事以下知內侍

省以下帶御器械官祇應武功大夫以下六尚局應奉

官闕班迎駕奏聖躬萬福次管軍臣僚宣名奏聖躬萬

福次左輔以下常起居次導駕官北向常起居

內有已
起居者

止奏聖

躬萬福分東西立次行宮使御營巡檢常起居

該宣名
者皆宣

名太僕卿出詣玉輅所攝衣而升正立執轡導駕官前

導皇帝至廟南門內少東左輔進當輿前俛伏跪奏左

輔具官臣某言請皇帝降輿奏訖俛伏興少退凡左輔奏請准

此皇帝降輿步出門外至玉輅所千牛將軍前跪執轡

左輔奏請升輅乘黃令稍前東向進玉輅皇帝升輅太

僕卿立授綏導駕官分左右步導門下侍郎進當輅前

俛伏跪奏請稱門下侍郎具官臣某言請車駕進發奏

訖俛伏興退復位凡門下侍郎奏請准此車駕動稱警蹕左輔先

詣廟西門內以俟門下侍郎及贊者夾侍以出千牛將
軍夾輅而趨車駕將及廟西門至侍臣上馬所門下侍
郎前奏請車駕少駐勅侍臣上馬左輔前承旨退稱曰
制可門下侍郎退傳制稱侍臣上馬贊者承傳勅侍臣
上馬諸侍衛之官各督其屬左右翊駕在黃麾內符寶
郎奉八寶前導殿中監後部從導駕官夾侍于前贊者
在左輔門下侍郎之前侍臣上馬畢門下侍郎奏請車
駕進發車駕動稱警蹕不鳴鼓吹駕鹵簿前導赴青城

車駕將至青城東上閣門御史臺分引陪祠文武官宗室客使禮直官贊者引行事執事官俱詣明禋門外立

班再拜奉迎訖退

內有己起居者止奏聖躬萬福

車駕及門少駐文武

侍臣皆下馬導駕官少導入門車駕動千牛將軍夾輅而趨至明禋殿前迴輅南向千牛將軍立於輅右左輔奏請皇帝降輅乘輿尚輦奉迎進輿于輅後皇帝乘輿入齋殿侍衛如常儀導駕官步導至殿前皇帝降輅歸後閣簾降通事舍人承旨勅羣官各還次學士院以祝

冊授通進司進御書訖付尚書禮部

省牲器

省牲之日午後十刻去壇三百步禁行者未後二刻郊

社令帥其屬掃除壇上下司尊彝帥府史及執事者以

祭器入設于位

凡設祭器皆藉以席
筵豆又加巾蓋

太府卿少府監陳玉

幣于篚

告潔畢
權徹

未後三刻禮直官贊者分引大禮使以

下詣東壝門外省牲位立定光祿卿丞與執事者牽牲

就位禮直官贊揖訖大司樂入行樂架

凡亞終獻行事
皆禮直官太常

博士引大禮使太宰左丞行事
次引禮部尚書升自卯
皆禮直官引餘官皆贊者引

階視滌濯

凡行事執事官
升降皆自卯階

次引太宰申視滌濯執事者

皆舉冪曰潔俱復位禮直官前曰告潔畢請省牲次引

禮部尚書侍郎稍前省牲訖退復位次引光祿卿出班

巡牲一匝西向躬曰充曰備次引光祿丞出班巡牲

一匝西向躬曰膾俱復位禮直官贊揖稍前曰請就省

饌位揖訖引大禮使以下各就位立禮直官贊揖所司

省饌具畢禮直官贊省饌畢揖訖俱還齋所光祿卿丞

及執事者以次牽牲詣厨授太官令次引禮部尚書詣厨省鼎鑊視滌漑協律郎展視樂器乃還齋所晡後一刻太官令帥宰人以鸞刀割牲祝史各取毛血寔于槃俱置饌所遂烹牲郊社令帥其屬掃除壇之上下

奠玉幣

祀日丑前五刻

行事用丑時一刻

諸祭官及陪祠之官各服其

服郊社令與太史官屬設神位版太府卿少府監陳玉幣光祿卿入寔籩豆簋盞太官令入寔俎良醞令入

寔尊樂正帥工人二舞次以入與執尊壘篚罍者各就位次引分獻執事官各位于龕陛上下並內外次通事舍人等分引陪祠文武官宗室客使各入就位次禮直官贊者分引大禮使以下行事執事官就卯階內墻門外揖位立定禮直官贊揖先引大司樂以下入就位次引監察御史以下入就位次引監察御史按視壇之上下糾察不如儀者退復位次引大禮使以下俱入就位尚輦奉迎進輿于齋殿皇帝服通天冠絳紗袍乘輿以

出近侍及扈從之官導從至大次門外皇帝降輿入次
簾降禮儀使樞密院官太常卿東上閣門官太常博士
禮直官分立于大次外之左右次引禮部侍郎詣前奏
請中嚴少頃又奏外辦符寶郎奉寶陳于宮架之北禮儀
使當次前俛伏興跪奏禮儀使具官臣某言請皇帝行
事奏訖俛伏興還侍位

禮儀使奏
禮畢准此

簾卷皇帝袞冕以出

侍衛如常儀禮儀使以下前導至中壝門外殿中監跪

進大圭殿中少監副之

凡殿中監進圭
皆少監副之

禮儀使奏請執

大圭前導皇帝入自正門

侍衛不應入者止于門外

協律郎跪俛伏

舉麾興

凡行禮執者取物奠物皆跪俛伏興

工鼓祝宮架儀安之樂作

皇帝

升降行止皆作儀安之樂

至午階版位西向立偃麾憂敵樂止

凡樂皆協

律郎跪俛伏舉麾興工鼓祝而後作偃麾憂敵而後止

禮儀使以下分左右侍立

凡行禮皆禮儀使樞密院官太常卿東上閣門官太常博士禮直官前導至位則分立于左右

禮儀使

前奏有司謹具請行事宮架寧安之樂作廣生儲祐之

舞八成止太常瘞血禮儀使奏請再拜皇帝再拜贊者

曰再拜在位官皆再拜內侍取玉幣于篚立于尊前

應龕

陸上下諸位太祝取
玉幣亦各立于尊所

次引太宰吏部尚書侍郎升詣皇

地祇神位前立太宰吏部尚書俱西向北上侍郎東

向禮儀使前導皇帝詣盥洗位宮架樂作至洗位北向

立樂止內侍酌水以進禮儀使奏請搢大圭盥手內侍

跪取巾于篚興以進皇帝悅手內侍受巾跪奠于篚禮

儀使奏請執大圭前導皇帝升壇大禮使從

皇帝升降
大禮使皆

從左右侍衛
量人數升

宮架樂作至壇下樂止升自午階登歌樂

作至壇上樂止登歌嘉安之樂作殿中監跪進鎮圭禮

儀使奏請搢大圭執鎮圭前導皇帝詣皇地祇神位前
北向立內侍先詣設纁藉于地禮儀使奏請跪奠鎮圭
于纁藉執大圭俛伏興又奏請搢大圭跪內侍加玉于
幣以授吏部尚書吏部尚書授太宰太宰西向跪以進
禮儀使奏請授玉幣皇帝受奠訖吏部侍郎東向跪受
以興進奠于皇地祇神位前太宰吏部尚書侍郎俱詣
太祖皇帝神位前以俟禮儀使奏請執大圭俛伏興內
侍取鎮圭纁藉詣太祖皇帝神位前先設纁藉于地禮

儀使奏請再拜皇帝再拜訖樂止禮儀使前導皇帝詣
太祖皇帝神位前東向奠幣並如上儀

惟登歌作
恭安之樂

太宰

以下俱復位禮儀使前導皇帝還版位登歌樂作內侍

舉鎮圭繅藉以鎮圭授殿中監以還有司皇帝降階樂

止宮架樂作至版位西向立樂止初皇帝將奠配位之

幣贊者分引分獻官俱詣盥洗位搯笏盥手悅手執笏各

由其階升詣諸從祀神位前各搯笏跪奠幣執笏俛伏

興再拜祝史執事官各助奠訖退復位祝史奉毛血盤

立於壇門外由其階升太祝迎於壇上俱進奠於神位
前太祝與執事者退立於尊所

政和五禮新儀卷八十一

欽定四庫全書

政和五禮新儀卷八十二

吉禮

皇帝祭皇地祇儀三

進熟

祭日有司陳鼎二於神厨各在鑊右太官令帥進饌者

詣厨以七升牛於鑊寔於一鼎

肩臂膈肫脰正脊一直脊一橫脊一長脊

一短脅一代脅一皆二骨以並正配位各一鼎

皆設扃冪祝史對舉陳於

饌幔內重行西向以南為上光祿實籩豆簋簋於饌

幔內籩實以粉豆實以糝食次引禮部侍郎詣饌所

簋實以梁簋實以稷

視腥熟之節俟皇帝升奠玉幣訖還位樂止引禮部

尚書詣饌所執籩豆簋簋以入戶部尚書詣饌所奉

俎以入太官令人正門宮架豐安之樂作設於卯階

下北向西上奉牲者在東祝史抽扃委于鼎右除霽

初鼎序入有司執七及俎以從至卯階下各設於鼎

西七加於鼎太官令以七升牛載於一俎

肩臂臑在上端肫臑

在下端脊脅在中
正配位各一組
鼎先退祝史進徹毛血盤以次出次

引禮部尚書搢笏執籩豆簋簋戶部尚書搢笏奉
俎以升執事者各迎於壇上禮部尚書奉籩豆簋
簋於皇地祇神位前北向跪奠啟蓋於下執笏俛
伏興有司設籩於糗餌前豆於醢醢前簋於稻
前簋於黍前次引戶部尚書奉俎詣皇地祇神位
前北向跪奠執笏俛伏興有司設於豆前次詣太祖皇
帝神位前東向跪奠並如上儀樂止俱降復位太祝取

菹孺于醢祭于豆間三又取黍稷肺祭如初皆籍用茅
各還尊所次引太宰左丞詣皇地祇神位前西向豆以
北為上次引吏部侍郎詣爵洗位東向立禮直使前導
皇帝詣盥洗位宮架樂作至洗位北向立樂止內侍酌
水以進禮儀使奏請措大圭盥手內侍跪取巾於篚興
以進皇帝悅手內使受巾跪奠於篚禮儀使奏請執大
圭前導皇帝詣爵洗位宮架樂作至洗位北向立樂止吏
部侍郎跪取爵於篚興以進禮儀使奏請措大圭受爵

內侍酌水以進禮儀使奏請洗爵內侍跪取巾於篚興
以進皇帝拭爵內侍受巾跪奠於篚吏部侍郎受爵升
自午階禮儀使奏請執大圭前導皇帝升壇宮架樂作
至午階樂止升自午階登歌樂作至壇上樂止登歌光
安之樂作吏部侍郎奉爵詣正位酌尊所西向立執尊
者舉鬯良醞令酌大尊之泛齊訖先詣配位酌尊所北
向立禮儀使前導皇帝詣皇地祇神位前北向立禮儀
使奏請搢大圭跪吏部侍郎以爵授左丞左丞授太宰太

宰西向跪以進禮儀使奏請執爵祭酒

三祭于茅苴

奠爵執

大圭俛伏興又奏請皇帝少立樂止太宰左丞俱詣太

祖皇帝神位前北向立以俟舉冊官舉祝冊進於皇地

祇神位之右讀冊官搢笏東向跪讀冊文讀訖執笏興

先詣太祖皇帝神位前南向立禮儀使奏請再拜皇帝

拜有司奠冊於皇地祇神位前禮儀使前導皇帝詣太

祖皇帝神位前酌獻並如上儀

惟登歌作英安之樂

太宰以下俱

復位禮儀使前導皇帝還版位登歌樂作降階樂止宮

架樂作至版位西向立樂止禮儀使奏請還小次宮架
樂作將至小次禮儀使奏請釋大主殿中監跪受大主
皇帝入小次簾降樂止文舞退武舞進宮架文安之樂
作舞者立定樂止初皇帝將詣小次禮直官太常博士
引亞獻詣盥洗位北向立搯笏盥手帨手執笏詣爵洗
位北向立搯笏洗爵拭爵以授執事者執笏升詣正位
酌尊所西向立宮架作隆安之樂厚載凝福之舞執事
者以爵授亞獻搯笏執爵執尊者舉冪太官令酌山尊

之醴齊訖先詣配位酌尊所北向立亞獻以爵授執事者執笏詣皇地祇神位前北向搢笏跪執事者以爵授亞獻亞獻執爵祭酒

三祭于茅道

奠爵執笏俛伏興少退北

向再拜次詣太祖皇帝神位前酌獻並如上儀樂止降復位初亞獻行禮將畢次禮直官太常博士引終獻詣洗及升壇酌獻並如亞獻之儀降復位初亞獻將升次分引分獻官詣盥洗位搢笏盥手帨手執笏各由其階升詣從祀諸神位前俱搢笏跪執爵三祭酒奠爵執笏

俛伏興再拜降復位皇帝既奠玉幣光祿以牛左臂一骨及長脅短脅俱二骨以並載于胙俎設於壇下飲福之西候終獻既升獻贊官引戶部尚書搏黍太祝太官令詣飲福位東向立奉俎豆酌酒者各位其後禮儀使奏請詣飲福位簾卷出次宮架樂作殿中監跪進大圭禮儀使奏請執大圭前導皇帝至飲福位將至位樂止宮架禧安之樂作皇帝至飲福位北向立尚醞典御執尊升詣酌尊所良醞令酌上尊福酒合置一尊典御奉

尊降詣飲福位以授殿中少監尚醞奉御執爵殿中少
監酌之奉御以爵授殿中監殿中監西向捧以立禮儀
使奏請再拜皇帝再拜殿中監跪以爵酒進禮儀使奏
請搢大圭跪受爵祭三祭啐酒奠爵殿中監跪受爵以
興太祝帥執事者將胙俎進減神前正脊一骨橫脊二
骨加於俎上內侍受俎以授戶部尚書戶部尚書西向
跪以進皇帝受俎奠之戶部尚書受俎以興復位太官
令取黍於簋搏以授太祝太祝受以豆東向跪以進皇

帝授訖奠之太祝受豆以興復位次殿中監再跪以爵
酒進禮儀使奏請受爵飲福酒奠爵殿中監受虛爵以
興以授典御奉御北向立執事者俱退復位禮儀使奏
請執大圭俛伏興又奏請再拜皇帝再拜樂止禮儀使
前導皇帝還版位宮架樂作至版位西向立樂止次引
禮部尚書升壇徹籩豆戶部尚書升壇徹俎
籩豆俎各一俱少移
故處登歌成安之樂作卒徹樂止禮部戶部尚書降復位
禮直官曰賜胙行事陪祠官拜贊者承傳曰賜胙再拜

在位官皆再拜送神宮架寧安之樂作一成止

望瘞

寧安之樂畢禮儀使奏請詣望瘞位前導皇帝詣望瘞位宮架樂作至位北向立樂止初賜胙再拜訖郊社令以黍稷肺祭藉以白茅束之吏部侍郎帥太祝執籩進詣神位前取玉幣祝冊藉以茅五官以上並以俎載牲體黍稷飭爵酒各由其階降壇東行詣瘞以玉幣祝冊饌物置於坎諸太祝又以諸位幣帛從瘞禮直官曰可

瘞舉燿火寘土半坎禮儀使奏禮畢前導皇帝還大次
宮架樂作出中壝門外禮儀使奏請釋大圭殿中監跪
受大圭以還有司侍衛如常儀皇帝至大次樂止禮部
郎中奏解嚴引大禮使以下詣郊階東內壝外揖位立
禮直官贊禮畢揖訖退通事舍人引陪祠文武官及宗
室客使以次出將士不得輒離部位

明禋殿受賀

皇帝既還大次奏解嚴訖皇帝常服乘輿還青城侍衛

如常儀鼓吹振作至殿前降輦還齋殿東上閤門御史
臺分引文武百官宗室並常服詣殿前立班稱賀東上
閤門附內侍進班齊牌皇帝常服出升御坐鳴鞭禁衛
奏聖躬萬福次舍人贊管軍臣僚等并行門躬贊再拜
管軍臣僚以下皆再拜班首奏聖躬萬福舍人引班首
出班俛伏跪致詞訖俛伏興退復位舍人揖躬贊再拜
管軍臣僚以下皆再拜三稱萬歲內侍詣御坐前承旨
退降階西向宣荅訖舍人贊再拜管軍臣僚以下皆再

拜三稱萬歲舍人贊各祇候管軍臣僚詣殿下侍立行
門分左右立次太史局官詣當殿北向立舍人揖躬贊
再拜太史局官再拜贊祇候太史局官東出次舍人揖
樞密以下躬舍人當殿通某官姓名以下起居稱賀轉
身於班前西向立舍人贊再拜樞密以下皆再拜搢笏
舞蹈三稱萬歲又再拜班首不離位奏聖躬萬福又再
拜舍人引班首出班俛伏跪致詞訖俛伏興退復位舍
人揖躬贊再拜樞密以下皆再拜搢笏舞蹈三稱萬歲

又再拜東上閣門官當殿北向承旨退西向稱有制樞

密以下皆再拜宣荅訖復位舍人曰再拜樞密以下皆

再拜搢笏舞蹈三稱萬歲又再拜樞密直學士升殿侍

立並升西階知客省事以下躬舍人當殿通文武百官宰臣

姓名以下起居稱賀三公通某官舍人揖班首以下橫行北

向立學士侍制兩省官將軍仍舊相向立稱賀如上儀唯典儀贊拜樞密詣御座前承旨退

詣折檻東稱有制宣荅賀訖宰臣執政官升殿東西相向立宰臣執政

官升東階中書侍郎升西階樞密直學士下殿餘官以次退皇帝降

坐鳴鞭殿上侍立官以次退

政和五禮新儀卷八十二

欽定四庫全書

政和五禮新儀卷八十三

吉禮

皇帝祭皇地祇儀四

車駕還內

前期殿中監帥其屬尚舍設御幄於大慶殿門外之東
南向大晟設宮架於宣德門外稍南其日明禋殿受賀
禮畢所司轉仗衛鹵簿於還途如來儀文武百官宗室

客使先詣宣德門就次以俟立班奉迎乘黃令進金輅
 於行宮殿門外南向千牛將軍一員執長刀立於輅右
 尚輦奉御進輿於齋殿導駕官俱詣齋殿奉迎禮部侍
 郎奏請中嚴少頃又奏外辨簾卷皇帝服通天冠絳紗
 袍乘輿以出應導駕官等並迎駕奏聖躬萬福訖
內祇應官
贊謝皆再拜 太僕官出詣金輅所攝衣而升正立執轡皇帝
 乘輿降自西階至金輅所左輔奏請降輿升輅太僕卿
 立授綏千牛將軍馭駕如來儀門下侍郎奏請車駕進

發

有司仍具大輦若是乘輦即云降輿乘輦

車駕動稱警蹕侍衛如來儀至

侍臣上馬所門下侍郎奏請車駕少駐勅侍臣上馬左
輔前承旨退稱曰制可門下侍郎傳制稱侍臣上馬贊
者承傳勅侍臣上馬門下侍郎奏請車駕進發車駕稱
警蹕鼓吹及諸軍樂振作車駕將至宣德門文武百官
宗室客使並立班再拜奉迎次大內留守見再拜訖退
車駕至宣德門外少駐文武侍臣皆下馬步導千牛將
軍降立於輅右車駕動千牛將軍夾輅而趨大樂正

奏采茨之樂入門樂止車駕至御幄前左輔奏請降輅

乘輿若乘輦即奏云乘輦皇帝降輅乘輿以入禮部郎中奏解嚴

通事舍人承旨勅羣官各還次將士各還其所

宣德門肆赦

前期殿中監帥其屬尚舍張設宣德門之內外又設御

座於前楹當中南向又設御幄於後東上閣門設捧赦

書儀物於御座之東稍南鸞儀司設文武百僚次於樓下

隨地之宜八作司設雞竿於御街之東稍北大晟府設

鉦鼓於宮架之西稍北東向其日刑部大理寺開封府以囚徒集於仗後東上閣門御史臺太常寺設文武百

官位於樓下皇帝既歸幄次少頃乘輦升宣德門至御

閣東降輦歸御閣簾降內侍進呈赦書東上閣門於樓

下侍立

二員於樓上祇應

禮直官通事舍人分引三公親王以

下詣樓前分班立定左輔樞密升詣御座之東翰林學

士承旨一員升詣御座之西俱南向立

翰林學士承旨闕即翰林學士

引禮部侍郎奏請中嚴少頃又奏外辦降復本班簾卷

大樂正令撞黃鍾之鍾右五鍾皆應乾安之樂作內侍
 索扇扇合皇帝出御閣臨軒即御座樓下鞭鳴簾卷內
 侍贊扇開扇退樂止侍衛如常儀禮直官通事舍人分
 引三公親王以下橫行北向立定

兩省學士將軍
 仍舊相向立

典儀

曰再拜在位官皆再拜分班東西相向樓下舍人詣樓
 前北向立左輔詣御座前承旨退稍前西向宣曰奉勅
 立金雞退復位樓下舍人應喏趨詣文武班南北向揖
 訖東向宣曰奉勅立金雞宣付兩司退復位金雞初立

大晟府擊鼓每擊鼓投一杖囚集鼓聲止

初宣立金雞
擊鼓立金雞

訖即止更
不投杖

樓上降赦書閣門受以置於案承受二人舉

案于東偏門之西南舍人二員對捧東上閣門攝引至

班心北向揖稱宣付門下省退詣案西東向立引門下

侍郎詣案南北向搢笏跪閣門捧赦書以授門下省退

詣案西執笏俛伏興舍人捧案退置於樓下近北訖歸

本班東上閣門官隨案退還侍立位次門下侍郎捧赦

書詣班前北向俛伏跪奏制書請付外施行

制書權付
禮直官

奏訖俛伏興躬身北向次引左輔詣御座前承旨退西
向宣曰制可退復位門下侍郎稱宣付班首稍西東向
立引班首相向各俛伏跪門下侍郎搢笏捧制書以授
班首受訖執笏俛伏興捧歸位以付舍人跪受付提點
承受啟封訖復以授舍人舍人捧制書折方行至班心
近南西向又折方北向立東上閣門官一員並捧制書
舍人於左省班復詣宣制書

起居郎舍人
入摘句

舍人宣曰有制

典儀曰再拜在位官皆再拜舍人宣制至咸赦除之獄

吏詣班北向躬稱脫枷訖奏聖躬萬福三呼萬歲以
罪人過宣制訖樓上舍人贊知樞密院官左輔翰林學

士承旨曲賀再拜

樓上閣門
官不拜

東上閣門官歸侍立舍人

捧制書詣班首前東向立搢笏跪以制書授班首班首
受訖舍人執笏退復侍立位禮直官次引刑部尚書詣
班首前東向搢笏跪班首搢笏以制書授刑部尚書刑
部尚書受訖執笏以制書加於笏上以授所司歸本班
禮直官通事舍人引三公親王以下應橫行官就北向位

立定典儀曰再拜在位官皆再拜禮直官通事舍人引班首少前跪致詞訖俛伏興典儀曰再拜在位官皆再拜搢笏舞蹈三稱萬歲又再拜東上閤門官詣樓前北向承旨退於班首前西向稱有制典儀曰再拜在位者皆再拜東上閤門官宣荅訖歸侍立位典儀曰再拜在位者皆再拜舞蹈三稱萬歲又再拜禮直官通事舍人引三公親王以下分東西班叙立禮直官引左輔詣御座前奏禮畢退復位內侍索扇扇合大樂正令撞蕤

賓之鍾左五鍾皆應乾安之樂作簾降皇帝降座還御
幄樂止樓下鳴鞭舍人詣樓前北向躬承旨四色官應
喏舍人北向稱奉勅放仗四色官趨至班南宣曰奉勅
放仗百僚再拜退宣詞令舍人於樓下宣勞將士

賜茶
酒拽

馬隊並
如儀

立定與儀曰再拜在位官皆再拜禮且官通者各入
外班首少前跪或詞訖俛伏與儀曰再拜在位官亦
再拜稍易舞始三朝為成又再拜東上開門官詣樓前
西拜跪吉退於班首前面向拜有制與儀曰再拜在位
者於百餘其其與儀陪舍舍入於殿王宣於殿前
陪舍入其向拜奉殿於四多宜跪至地南宣曰奉殿
迎樂止於殿前迎樂舍入於殿前其向拜奉殿香四色
政和五禮新儀卷八十三